



Kattusseqatigiit Partiiat

12. august 2011
Januar 2011

UKA 2011/25
UPA 2011/56

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqummiuppara:

Ammasumik sulianut immikkoortiterineq ammasumik suliariumannittuussarsiusarnerni salliutinneqartarnissaat taamaalillunilu suliffiit sungiusarfiusut sapinngisamik qulakkeerneqarnissaat pillugit sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersup UKA 2012-imut allanngortinneqarnissaanik Naalackersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Knud Fleischer, Kattusseqatigiit Partiiat)

Tunngavilersuut:

Ukiakkut ataatsimiinnermi 2010-mi Kattusseqatigiit Partiiata Inatsisartunut apeqquteqaat aalavigalugu oqallisissiatut saqummiuppaat ammasumik suliariumannittussarsiorarneq qanoq aaqquissuussaasoq. Oqallinnermi Kattusseqatigiit Partiiata maluginiarsimavaa maleruagassanik allanngortitsinissaq partiinit tapernerneqarluartoq. Taamaammatt Kattusseqatigiit Partiiata matumuuna una aalajangiiffigisassatut siunnersuut saqummiuppaat. .

Aalajangiiffigisassatut siunnersuutigisarpur atuuksinneqalissappat isumaqarpugut aningaasatigut atugassarititaasut pitsanngoriarfeqassasut, sualummik h ndv rksmesterinut mikinerusunut nunaqavissunut. Sularinninnissamut isumaqatigiissutaasartup totalentreprise-p atornerani ajornartorsiutaavoq suliffeqarferujussuit akissarsiorlut ammasumik suliariumannittussarsiornermi nikingasoqartillugu unammilleqatigiinnermi salliussutut inissinneqartarmata.

Totalentreprise-p atornerarnerani imaariaarsinnaavoq qallunaaq sanaartugassanik suliassinneqartartoq (entrepren r) neqeroortoq isumaqatigiissuteqarsimasoq qallunaanik suliassat pisataannik pilersuisunik taamaallaat suleqateqarnissammik, taamaalilluni nunaqavissut mesterit sulinermi ilanngunneqarsinnaaneratt mattunneqarluni. Tamakkua saniatigut Kattusseqatigiit Partiiata maluginiarpaa nunaqavissut h ndv rksmesterit soorlumi suliffeqarferujussuarninnaanniit suliffinnik sungiusartarfiussanik pilersitsiniarnermik aallaaveqarnerusut.

H ndv rksmesterit nunaqavissut ammasumik sulianut immikkoortiterinerup ammasumik suliariumannittuussarsiusarnerni atorluarneqarnerulernerattigut periarfissagissaartinneqalerpata isumaqarpugut tamanna nunaqavissunut h ndv rksmesterinut aningaasatigut atugassarisatt pitsanngorsaavigneqassasut. Taamaalilluni mesterit nunavissunik sulisussarsiornissaminnut periarfissagissaarnerulissapput, soormi pisortatigut sanaartornermut aningaasartuutaasartut aamma annertunerpaamik nunagissamut aningaasatigut iluaqutaalissasut.

Naalackersuisooqatigiit isumaqatigiissutaanni ilaatigut allaqqavoq ammasumik suliassanik immikkoortiterineq aallaavigalugu ammasumik suliariumannittuussarsiusarneq aqutigneqassappat suliffeqarfiit nunaqavissut amerlanerusunik inissialiorsinnaatitaasinnaasut. Taa-

maamat Kattusseqatigiit Partiiat isumaqarpoq piffissanngortoq oqallisissiatsinni ajornartorsiutip saqqummiussatta iluarsineqarnissaa sulissutigissallugu.

Aningaasaqarnikkut allaffissornikkullu siunnersuutip pisortanut sunniutissai.

Naatsorsuutigineqarpoq pisortat siunnersuut aningaasartuuteqarfigiumaaraat, tassami inatsisip allanngortinnissaa suliarineqassamat, nutserneqarluni il.il. Kingornalu tusarniaassutigineqassalluni. Taassuma suliarineqarnissaa tassa allaffissornikkut ingerlanneqassooq. Ilimagineqarpoq inatsisilerinermut tngasortaasa suliarineqarneri Djøf-ip årsværkiata 500.000 kr.-ip tallimaraarterutigissagaa, nutserneqarnissaa tusarniaassutigineqarnissaalu ilanngullugit. Siunnersuut aalajangiunneqassappat naatsorsuutigineqarpoq pisortatigut sanaartugassanut atatillugu allaffissorneq atortorissaarutitigut aammalu inatsisilerinermut tunngasutigut annertuunik suliassaqarneri pissutigalugit ingerlanniarnissaa aningaasartuutitigut annertussasoq.

Sanatitsisup sanaartugassanik suliassinneqartartut peqatigalugit sanaartugassaq aallaavigalugu immikkut ittunik isumaqatigiissut iliortariaqarnera ammasumik sulianut immikkoortiterinerup atornerani allaffissornermik annerusoq inatsisilerinerlu annertujaamik malitseqassapput. Sanatitsisup sanasussallu akissaannik isumaqatigiissutip naapertuulluurtup anguneqarsinnaanera pisinnaalluarput ammasumik sulianut immikkoortiterinikkut. Ammasumik sulianut immikkoortiterineq sanaartorerup naliginnaasup agguataarneranut tulluuppoq, taamaalillunilu sanatitsisoq periarfissaqartissallugu suliffeqarfinnik immikkut tulluussarsimasunik isumaqatigiissusiornissaanut. Totalentreprise-p atornerani sanaartugassanik suliassinneqartartoq tassaakkajuppoq tamanik imaluunniit suliassat annerpaartaannik akisussaasoq, taamaalillunilu allaffissornermut aammalu sanatitsisumut aningaasartuutit minnerusarlutik.

Siunnersuutip innuttaasunut aningaasatigut allaffissornikkullu sunniutissai.

Siunnersuut innuttaasunut aningaasatigut malunniuteqassooq, tassami naatsorsuutigisariaqaromat ammasumik sulianut immikkoortiterinerup atorneqarnerulernerata kingunerisaanik sanaartorerup akitsornissaa, ilaatigut pissutigalugu totalentreprise-p atornerani sanatitsisup atortorissaarutitigut aningaasartuutissat aqussinnaasai ajornannginnerummata. Tamakkua saniatigut totalentreprise-p atornerani sanatitsisoq ataasiaannarluni akimik isumaqatiginninniasamat, suliniummut aningaasartuutissat apparnerannik kinguneqakkajussinnaasumik. Pilersaarusionerullu sanaartugassanik suliarinnittartup ataasiinnaap sulineratigut annertuumik ingerlatsinermi iluaqutissartaqarlularluni.

Siunnersuutip aningaasatigut allaffissornikkullu namminersrtumut sunniutissai.

Siunnersuutitta ajoqutigisinnaasai illua-tungilerneqarput håndværksmesterit nunaqavissut ammasumik suliariumannittussarsiuussisarnerni periarfissaat pitsannguuteqassammata. Siunnersuut alaajangiunneqassappat naatsorsuutigineqarpoq nunatta aningaasaqarnerani, pisortatigut sanaartortoqartillugu aningaasaliissutaasartut kaaviaartinneqalissasut. Aammattaaq siunnersuutip malitsigissuaa sanaartortoqartillugu nunaqavissunik sulisoqarnerunerneq, tamannalu aamma nunatta aningaasaqarneranut sunniuteqarluassoq. Qanorpiaq annertutigisumik nunatta aningaasarnikkut iluanaarutigiumaarneraa missingersuusiariuminaappoq.